

筠

谿

集

九

風

聲

韻

集

詳校官庶吉士臣瑚圖禮

侍讀臣孫球覆勘

總校官庶吉士臣倉聖脉

校對官典簿臣郭祚熾

謄錄監生臣楊其梓

謄錄監生臣查浩

欽定四庫全書

筠谿集卷十八

宋 李彌遜 撰

詩九十首

次韻譚彥成學士早春 五首

花蕾催紅欲轉鶯新愁偏傍鬢毛生猶憐稚子能賒酒
爛醉春盤碧澗羹

幽棲不寄絕交書車馬從喧賣酒壚卧轉午陰春睡足
却尋峰樹數花鬢

十二樓臺白玉成雲車翻日上觚稜太平何許同民樂
天闕雙龍護一燈

渺渺家山水四涯秋風曾憶醉黃華馬頭不識南塘路
又看咸陽二月花

風絮縈寒晝擁爐枝頭猶得暗香餘折來不擬供尊俎
靜對翛然一榻書

方池獨步

度柳穿莎一徑通曲堤初詠舞雩風我來似與春期約

南陌東畦到處紅

六六軒

秋雨已分千壑間
午天初放一軒晴
撥開三十六峰翠
為洗老人雙眼明

可師止庵

踏盡東西散勝岩
却提隻履過江南
遠人若解真常位
不礙攜庵到處參

面壁庵

敗壁縱橫銷翠煙
巖花猶落舊庵前
從來說法無人會
寂寞空山謾九年

宿光陵懷少章

煙斷伽藍欲報昏
竹梢風雨亂紛紛
懸知借枕山腰舍
魂夢已隨超化雲

己亥季秋至淨居思大智者道場因瞻二士相
三日會天大雨不得探險絕而以詩記之

四首

三蘇岩壑連雲秀
二士門庭匝地新
帶雨山光無限思

一時分付境中人
香斷寒爐古廟空
金毛一去了無蹤
分明曾得真消息
猶有參天十萬松

雨華隨步到天闕
遠目纔分繚繞山
風馬不馳前景斷
更於何地覓無還

白霧蒼烟暗九秋
殷牀金吼抱山樓
爲霖未必渾三日
似有閑雲伴我留

儀真道中

三首

過盡長淮未見山倦尋殘夢獨凭欄
風烟漸欲回春眼
不似蔣陵江上看

長天漠漠水連空雲淡風微雨
兩兩紅南北不知緣底事
一生半落往來中

旋搗香杭炊玉粒飽肥鮮
鯽鱸銀絲他年虛費太官粟
到得江頭已恨遲

留題鑑遠樓

三首

表裏江山面面來秋風此日偶徘徊
塵埃閱盡山如鑑

一到江樓眼為開

憑虛瞰碧與雲浮只有閑身盡日留
更擬夢回還獨上來看殘夜水明樓

霜天曉日鑑中新眼力由來未見真
萬古茫茫一塵跡碧山無際水無垠

舟師謁祠回天風已霽信若有感姑以二絕道其事

長蘆山下隱龍宮漈酒船迴落照中
已有龜紋為傳卜

不勞烏尾更占風

水底明河碧浸星琉璃不動一江平橫鋪十幅指東去
坐看曉帆千里輕

渡江

二首

沿江山斷水如天橫絕奔流一葉船身世自知同幻夢
不應對此重茫然

山形虎脊高低去帆影魚鱗遠近來已到江南望江北
更留青眼爲誰開

過嶽冠山 二首

嶽冠山下月黃昏
石立波吞勢莫分
回首風前魂欲斷
東西南北水連雲

駕潮風急浪翻磯
舟子操舟不自持
若使畏塗知勇退
世間何處更乘危

秋晚即事 三首

一水縈回兩岸鷗
翩翩無數近行舟
十年不見渾如舊
有意隨人大際浮

華髮鬢髻一榻書舟移斜日似蘧篚似聞載酒江邊寺
更倒青錢留白魚

霜樹今無一葉留日邊雲暗使人愁獨憐揚子灣頭岸
猶有黃花戀晚秋

和近思

二首

風帆十日轉長山為送閑身到廣寒明月峰巒人境外
溪聲一夜響前灘

巖排綠樹石相重漲水交流失舊磯細覓向來行歷地

十年塵跡轉頭空

春日書齋偶成

五首

底急流光過眼頻
斬新花藥已成陳
手携紅藥東風裡
著意流連背我春

漸老追芳苦厭勞
團蒲歌坐首慵搔
解將一笑醒人眼
多謝紅稠屋角桃

柳花纔落未成綿
海藥初生半尚攀
鴉鳩不鳴深院晝
一床真夢不論錢

桃紅半老杏紅衰
亂委蒼苔況是梅
不恨狂風取花去
一樽寒食為誰開

清氛遠俗推蘭友
直節過人見竹君
慰我山城長寂寞

相期高卧敬亭雲

敬亭山寺多竹與蘭故云

再用前韻

長檠當晝知無用
團扇經秋歎已陳
我獨不才端有似
五年澤國又逢春

薄宦驅人不亦勞
久紆章服礙爬搔
何時歸卧鍾山石

荷插長隨手種桃

努力避喧遭掣肘強顏追好得嗔拳交情只有春風厚
千里隨人不用錢

今年春早未全衰社酒盤中不見梅快把霜刀倩天女
驚忙時節有花開

逢逢伐鼓水邊村狼藉春盤祝社君但願官曹皆魯卓
不須南北稼如雲

復用前韻